

Foliis Stramonii minutim concisis

eadem ratione, qva Extractum Belladonnae.

Sit colore e subviridi nigro. Aqva addita liqvorem e subviridi fuscum et subturbidum praebat.

Extractum Taraxaci.

(Sv. 45).

Løvetand-Extrakt.

Paretur e

Radice Taraxaci cum Herba recenti contusa

eadem ratione, qva Extractum Graminis.

Sit colore e nigro fusco. Aqva addita solutionem obscure fuscam et paene limpidam praebat.

Nota. Si

Extractum Taraxaci liquidum,

(*Extractum Radicis et Herbae Taraxaci N. 54.*)

Tynd Løvetand-Extrakt

postulatum erit, ex Extracto Taraxaci eadem ratione paretur, qva Extractum Graminis liquidum.

Farina Hordei praeparata.

(Sv. 45).

Bryst-Mel.

Cylindrus e laminis ferreis stanno obductis confectus Farina Seminis Hordei distichi et H. hexastichi valde compressa ita compleatur, ut duae partes cylindri repletae sint, atqve ita claudatur, ut Aqva in cylindrum penetrare non possit. Tum cylindrus suspendatur in aheno destillatorio, cujus duae partes Aqva compleantur, et, alembico adaptato, Aqva quattuordecim fere horas bulliat. Massa farinacea refrigerata, stratum superius pulvereum auferatur, sed reliqua pars in pulverem redigatur, deinde siccetur et in vase clauso loco sicco servetur.

Sit pulvis e rubello subflavus, sapore subdulci et valde mucilaginoso, odore panis simili.

Ferrum pulveratum.

(Sv. 45).

Pulveriseret Jern.

Sit pulvis subtilissimus, cinereus, ponderosus, in Acido hydrochlorato, nullo gasis Sulphidi hydrici odore orto, paene sine residuo solvatur. Ubi Ferrum hujus solutionis, Acido nitrico ad perfectam Ferri oxydationem addito, Solutione Ammoniaci abundanti secretum erit, filtratum hujus liqvoris, Solutione Sulphohydratis ammoniaci addita, limpidum maneat. Ferrum pulveratum in apparatu Marshii tractatum maculas Arsenici ne efficiat. In vase probe obturato loco sicco servetur.

Ferrum reductum.

Reduceret Jern.

Pulvis subtilissimus et e cinereo niger; in mortario porcellaneo tritus lineas metallicas exhibeat. In Acido hydrochlorato paene sine residuo solvatur, gas hydrogenium exhalans. Si unam partem pulveris cum viginti partibus Solutionis Chlorreti ferrici in lagenae obturata conqvasaveris, summum tertia pars non soluta remaneat. Servetur loco sicco in vase probe clauso.

Flores Arnicae.

(*Arnicae Flores Sv. 45. Flores Arnicae montanae N. 54.*)

Arnikablomster.

Arnica montana L.

Floresculi vitellini, pappo piloso, scabro, fragili instructi, germine tuboqve pubescentes; flores radiales sunt feminei, ligulati, quattuor fere millimetra lati, tridentati, flores disciales sunt hermaphroditi, tubulosi, quinqueventati. Sunt sapore acri et subamaro; pulvis sternutamentum movet.

Ne dispensentur nisi peranthodio liberati.

Flores Caryophylli.

Caryophylli D. 50.

(Sv. 45. Flores immaturi Caryophylli aromatici N. 54).

Nelliker.

Caryophyllus aromaticus L.

Alabastri colore fusco, cylindrati vel subangulati, coronati calice quadripartito, corollam clausam, globosam, caducam includente. Sint odore fragrantissimo, manducati os urant; sint ponderosi et digitis pressi Aetheroleum exsudent. In vase probe clauso servantur.

Flores Chamomillae romanae.

(Flores Anthemidis nobilis N. 54).

Romerske Kamilleblomster.

Anthemis nobilis L.

Calathia radiata, cultura luxuriantia, peranthodio imbricato, receptaculo convexo et paleis apice obtusis lacerisque ob-
sito; flosculi pappo carent; flosculi disci tubulosi et flavi maxima ex parte in radii flosculos albos et ligulatos mutati sunt. Odore sunt fragranti et aromatico, sapore amaro.

Flores Chamomillae vulgaris.

(Chamomillae nostratis Flores Sv. 45. Flores Matricariae Chamomillae N. 54).

Kamilleblomster.

Matricaria Chamomilla L.

Calathia radiata, periclinio imbricato, receptaculo conico, nudo, cavo, flosculis disci flavis et tubulosis, radii albis et ligulatis, pappo nullo; odore sunt peculiari et fragranti, sapore amaro. Ne confundantur cum aliis Compositis similibus, receptaculo medullosa, non cavo instructis.

Flores Cinae.

Semina Cynae s. Santonici levantica D. 50.
 (Cinae levanticae v. Santonici levantici Semina Sv. 45. Flores
 Artemisiae Vahlinae N. 54).

Ormefro.

Artemisiae species huc usque ignotae.

Calathia pauciflora, clausa, oblonga, prismatica, glabra, colore subviridi, subflavo vel subfusco, duo fere millimetra longa; periclinii squamae sunt carinatae, imbricatae, membranaceo-marginatae, dorso glandulis minutis et aureis inspersis, exteriores squamae sunt ovoideae, minores quam interiores oblongae; sapore et odore sunt peculiari, ingrato, subnauseoso.

Flores levantici, qui dicuntur, soli adhibendi sunt. Indici, majores glandulisque resinaceis majoribus instructi, et barbarici, indumento cano-tomentoso tecti, rejiciendi sunt.

Flores Kusso.

Kussoblomster.

Hagenia abyssinica Willd.

Paniculae femineae, coarctatae, ramosissimae, villosae, multiflorae, floribus perigynis, plus minusve defloratis, bibracteolatis, subrotundis, sepalis quattuor vel quinque exterioribus oblongis, unum fere centimetrum longis, membranaceis, reticulato-venosis, subrubris vel subviridibus; sapore nauseoso et subamaro. Sepalae exteriores florum masculorum multo minores sunt quam interiores, contraria est ratio florum femineorum. Serventur flores loco sicco in vasis diligenter clausis, a luce remotis; ante dispensationem a crassioribus pedunculis purgentur.

Flores Lavandulae.

(*Lavandulae Flores Sv. 45. Flores Lavandulae Spicae N. 54.*)

Lavendelblomster.

Lavandula angustifolia Ehrh., *Lavandula officinalis* Chaix.

Flores coerulei, calice cylindrico, striato, villosa, quinque-dentato, summo dente majore, corolla bilabiata, odore fragranti et aromatico. Flores plantarum cultarum nondum plane evolutos colligere licet.

Flores *Lavandulae Spicae (latifoliae)* L. calice ferrugineo vel subviridi et villosa instructi sunt; minores sunt et odore fortiore sed minus fragranti.

Flores Rhoeados.

Flores Papaveris Rhoeados D. 50.

Kornvalmueblade.

Papaver Rhoeados L.

Petala tenuia, subrotunda, quinque circiter centimetra lata, siccata sordide purpurea, macula saepe nigra basi adpersa; odoris paene expertia sunt, sapore mucilaginoso et subamaro.

Flores Rosae centifoliae.

Flores Rosarum incarnatarum s. pallidarum D. 50.

(*Rosae multiplicis v. incarnatae Petala Sv. 45. Petala Rosae centifoliae N. 54.*)

Blegrode Rosenblade.

Rosa centifolia L.

Petala pallide rubentia, subrotunda, ovoidea, odore gratissimo, sapore subadstringenti. Colligantur plane evoluta; re-
centia cum aequo pondere Chloreti natrici condiantur.

Flores Rosae gallicae.

(*Rosae domesticae v. purpureae Petala Sv. 45*).

Mørkerøde Rosenblade.

Rosa gallica L.

Alabastra nondum evoluta, petalis purpureis, infra in unguem angustiore et subflavum transeuntibus; unguis cum genitalibus inclusis abscidendus est. Odore sunt debili et grato, sapore subadstringenti.

Flores Sambuci.

(*Sambuci Flores Sv. 45. Flores Sambuci nigrae N. 54*).

Hyldeblomster.

Sambucus nigra L.

Cymae quinqueradiatae, multiflorae, corollis epigynis, rotatis, e flavo albidis, odore peculiari. Flores nigrescentes rejiciendi sunt.

Flores Tanacetii.

(*Tanacetii Summitates Sv. 45. Flores Tanacetii vulgaris N. 54*).

Regnfangblomster.

Tanacetum vulgare L.

Calathia ad corymbum disposita, hemisphaerica, aureo-flava, discoidea, supra plana, mox infra subconvexa, periclinio imbricato, receptaculo convexo, nudo, flosculis frequentibus et tubulosis obsito, quorum marginales sunt tridentati et feminei, discales quinque-dentati et hermaphroditi. Odore sunt gravi et aromatico, sapore amaro et aromatico.

Flores Tiliae.

(*Tiliae Flores Sv. 45*).

Lindeblomster.

Tilia grandifolia, Ehrh., intermedia D. C., parvifolia Ehrh.

Cymae tri — vel septemflorae, usque ad mediam partem
um bractea tenui, lineari-oblonga, reticulato-venosa, e flavo
viridi connatae. Flores sunt e flavo albidi, pentapetali, sta-
minibus plurimis, germine subgloboso et tomentoso; siccati
odore sunt debili, sapore subdulci. Serventur in vase probe
clauso.

Flores Verbasci.

(*Verbasci Flores Sv. 45. Flores Verbasci Thapsi N. 54.*)

Kongelysblomster.

Verbascum Thapsus L. Verbascum thapsiforme Schrader.

Corollae satis magnae, rotatae, subregulares, aureo-flavae,
staminibus superioribus tribus brevioribus et albedo-tomentosis,
inferioribus duobus longioribus et nudis; odore debili, mandu-
catae sapore mucilaginoso et subdulci. Siccati in vase antea
calefacto et diligenter clausis serventur.

Folia Belladonnae.

(*Belladonnae Folia Sv. 45. Folia Atropae Belladonnae N. 54.*)

Belladonnablade.

Atropa Belladonna L.

Folia ovalia, in petiolum attenuata, integerrima, acuta,
supra saturate viridia, novella pubescentia, adultiora nervis
solis subpubescentia; odore subnarcotico, sapore ingrato et
subamaro.

Folia Bucco.

(*Bucco Folia Sv. 45.*)

Bucco-Blade.

Barosma crenata Kze. Barosma crenulata Hook. B.
betulina Bartl.

Folia crassa, glandulosa, tri- vel quinquenervia, glauca, odore gravi et aromatico, sapore aromatico et subcamphoraceo aut ovato oblonga, serrulata, aut ovata vel obovata, trunca vel rotundata, margine cartilaginea, aut rhombico-obovata apice reflexa, irregulariter dentata. Serventur in vase diligenter clauso.

Folia Cardui benedicti.

Herba Cardui benedicti D. 50.

(*Cardui benedicti Folia Sv. 45. Herba florens Cnici benedicti N. 54.*)

Korbendiktblade.

Cnicus benedictus L.

Folia oblongo-lanceolata vel lanceolata, in petiolum attenuata, sinuato-pinnatifida, echinato-dentata, villosa, sapore peramaro et salso.

Folia Digitalis.

(*Digitalis Folia Sv. 45. Folia Digitalis purpureae N. 54.*)

Fingerbølleblade.

Digitalis purpurea L.

Folia ovato-lanceolata, in petiolum attenuata, rugosa, crenata, in primis infra plus minusve villosa, sapore amaro et nauseoso. Colligenda sunt e planta sua sponte crescenti, non ex culta. Folia plantae cultae vestimenti villosi aut plane aut ex parte expertia sunt.

Ut pulvis paretur, costae foliorum secernendae sunt; pulvis, cujus haud nimia copia paranda est, in vase diligenter clauso et a luce remoto servetur.

Folia Farfarae.

Folia Tussilaginis D. 50.

(*Tussilaginis Folia Sv. 45. Folia Tussilaginis Farfarae N. 54.*)

Hestehovblade.

Tussilago Farfara L.

Folia subrotundo-cordata, sinuato-angulata, dentata, infra albido-tomentosa, supra glabra et subviridia, sapore amaro et subadstringenti.

Folia Hyoscyami.

(*Hyoscyami Folia* Sv. 45. *Folia Hyoscyami nigri* N. 54).

Bulmeurtblade.

Hyoscyamus niger L.

Folia ovato-oblonga, sinuato-dentata, villosa, odore nauseoso et narcotico; colligenda sunt e plantis sua sponte crescentibus.

Folia Melissaë.

Folia Melissaë citratae D. 50.

(*Melissae citrinae Herba florens* Sv. 45. *Herba florens Melissaë officinalis* N. 54).

Melisseblade.

Melissa officinalis L. var. *citrata* Bisch.

Folia petiolata, ovoidea vel subcordata, crenato-serrata, subviridia, infra pallidiora, nervis pilosa, odore grato et aromatico, sapore subamaro.

Folia Menthaë crispae.

(*Menthaë crispae Herba* Sv. 45. *Herba florens Menthaë crispae* N. 54).

Krusemyntblade.

Mentha crispa L. *Mentha crispata* Schrader.

Folia sessilia, cordata vel rotundo-ovoidea, bullato-rugosa, undulata, serrata, obtusa vel acuta, utraqve superficie hirsuta, infra glandulosa, odore peculiari, manducata os urentia.

Folia Menthae piperitae.

(*Menthae piperitidis Herba efflorescens Sv. 45*).

Pebermynteblade.

Mentha piperita L.

Folia longa petiolata, oblonga, acuta, argute serrata, subglabra, glandulosa, odore fragranti, sapore peculiari et camphoraceo, primum os urenti, deinde frigoris sensum relinquenti.

Ne confundantur cum foliis sessilibus, minus aromaticis
Menthae viridis L.

Folia Menyanthis.

Folia Trifolii fibrini D. 50.

(*Trifolii aquatici Folia Sv. 45. Folia Menyanthis trifoliatae N. 54*).

Bukkeblade.

Menyanthes trifoliata L.

Folia petiolata, ternata, foliolis subsessilibus, ovalibus vel oblongis, obtusis, leviter repando-crenatis, glabris, laete viridibus, sapore peramaro.

Folia Nicotianae.

(*Nicotianae v. Tabaci Folia recentia et siccata Sv. 45. Folia Nicotianae Tabaci N. 54*).

Tobaksblade.

Nicotiana Tabacum L.

Folia magna, oblongo-lanceolata, acuta, basi attenuata, integerrima, glanduloso-villosa, siccata fusca, odore peculiari, manducata sapore acri. Folia, quae Virginiana appellantur, sola adhibere licet.

Folia Salviae.

(*Salviae Folia Sv. 45. Folia Salviae officinalis N. 54*).

Salvieblade.

Salvia officinalis L.

Folia petiolata, oblonga, rugosa, crenulata, tenui-tomentosa; manducata adstringentia, sapore amaro, odore aromatico.

Folia Sennae.

Folia Sennae alexandrinae D. 50.

(*Sennae sic dictae Alexandrinae Foliola Sv. 45. Folia Cassiarum N. 54.*)

Sennesblade.

Cassia lenitiva Bischoff.

Folia subcoriacea, ovalia vel oblonga, integerrima, basi obliqua, media parte latiora, acuta, mucronulata, venosa, plus minusve pubescentia, pallide subglaucis, odore peculiari, sapore subamaro et nauseoso. Adhibeantur folia alexandrina et tripolitana, quae vocantur; priora foliis rigidis, lanceolatis, basi aequalibus, uninerviis, glaucis, pubescentibus Solenostematis Argel Hayne mixta reperiuntur, quibus omnino purgentur non necesse est; stipitibus et leguminibus, quantum fieri potest, vacent.

Venalia sunt foliorum fragmenta, quae Folia Sennae parva appellantur; haec propter frequentem adulterationem adhibere non licet.

Folia Sennae Spiritu extracta.

Harpixfrie Sennesblade.

℞. Foliorum Sennae partem unam; 1
maceretur per biduum cum

Spiritus concentrati partibus quattuor, 4
deinde exprimatur et siccetur.

Folia Stramonii.

(*Stramonii Folia Sv. 45. Folia Daturae Stramonii N. 54.*)

Pigæbleblade.

Datura Stramonium L.

Folia petiolata, ovata, acuta, sinuato-dentata, novella pubescentia, adultiora nervis raris pilis obsitis, supra saturate viridia, infra pallidiora, odore narcotico, sapore nauseoso et amaro.

Folia Uvae Ursi.

(Sv. 45. *Folia Arctostaphyli officinalis* N. 54).

Melbærblade.

Arctostaphylos officinalis Wim. et Grab.

Folia obovata, coriacea, integerrima, glabra, nitida, reticulato-venosa, manducata adstringentia, sapore amaro.

Fructus Anisi.

Semina Anisi vulgaris D. 50.

(*Anisi Semina* Sv. 45. *Fructus Pimpinellae Anisi* N. 54).

Anis.

Pimpinella Anisum L.

Diachenia late ovata, a latere subcompressa, dense et breviter pubescentia, e cinereo subviridia, duo fere millimetra longa; constant ex duobus schizocarpiis, plerumque cohaerentibus, quorum utrumque quinque costis angustis instructum est; sunt odore aromatico, manducata os leviter urunt. Sint fructus plane maturi, et, quantum fieri potest, stipitibus, glebulis, aliis quisquiliis vacent.

Parvi, acuti, subnigri sunt rejiciendi.

Cave ne mixti sint Fructibus Conii non pubescentibus costisque undulato-crenatis.

Fructus Anisi stellati.

Semina Anisi stellati D. 50.

(*Anisi stellati Pericarpia cum seminibus* Sv. 45. *Fructus Illicii anisati* N. 54).

Stjerneanis.

Illicium anisatum Loureiro.

Carpella drupacea, dura, suboctona, stellatim divergentia, cymbiformia, compressa, extrinsecus e cano fusca, rugosa, intus levigata, superiore sutura dehiscentia, monosperma; semine compresso, nitido, badio; odore aromatico; manducata os leviter urentia, sapore subdulci, aromatico. Quantum fieri potest, stipitibus vacent.

Fructus Aurantii immaturus.

Poma Aurantiorum immatura D. 50.

(*Aurantii Fructus immaturi Sv. 45. Fructus Citri Aurantii immaturi N. 54.*)

Umodne Pommeranser.

Citrus vulgaris Risso.

Baccae immaturae, globosae, glandulosae, multiloculae, ad magnitudinem cerasorum electae, durae, colore e viridi subnigro, odore aromatico, sapore amaro.

Fructus Avenae excorticatus.

(*Avenae Crinna Sv. 45.*)

Havregryn.

Avena sativa L.

Fructus Cannabis.

Semina Cannabis D. 50.

(*Cannabis Semina Sv. 45. Fructus Cannabis sativae N. 54.*)

Hampefros.

Cannabis sativa L.

Nuculae ovatae subcompressae, bivalvares, indehiscentes, uniloculae, monospermae, pericarpio fragili, e subviridi vel e cinereo fusco, glabro, semine oleoso, sapore pingvedineo et subdulci.

Fructus Capsici.

(*Piperis hispanici v. indici* Baccae Sv. 45. *Fructus Capsici* annui N. 54).

Spansk Peber.

Capsicum annuum et longum Fingerhut.

Baccae submaturae, exsuccae, conicae, plerumque rubrae, nitidae, calice planiusculo fultae, intus cavae, incomplete bi — vel triloculae, pericarpio tenui et coriaceo, seminibus planis, subflavis, sporophoro magno affixis; manducatae os acriter urunt, contritae sternutamentum vehementissimum movent.

Fructus Cardamomi.

Cardamomum minus D. 50.

(Sv. 45. *Semina Elettariae Cardamomi* N. 54).

Malabar-Kardamome.

Elettaria Cardamomum White.

Capsulae chartaceae, trigonae, striatae, octo ad duodecim millimetra longae, colore stramineo, triloculae, multispermae, seminibus parvis, duriusculis, fuscis, obtusangulis, rugosis, in altera parte sulcatis, odore peraromatico, manducatis os urentibus. Antequam ad pulverem parandum adhibentur, pericarpia removenda sunt; semina ex capsulis exempta ne emantur.

Fructus Carvi.

Semina Carvi D. 50.

(*Carvi Semina* Sv. 45. *Fructus Cari Carvi* N. 54).

Kommen.

Carum Carvi L.

Diachenia oblonga, a latere valde compressa, quattuor circiter millimetra longa; constant ex duobus schizocarpis, facile separabilibus, angustis, utrinque angustatis, quorum utrumque quinque costis angustis et sulcis latis, fuscis, univittatis in-

structum est. Manducata os leviter urunt, odore sunt peculiari, aromatico. Sint diachenia plane matura, et, quantum fieri potest, stipitibus aliisque quavisquiliis vacent.

Fructus Citri.

Poma Citri D. 50.

(*Citri Fructus recens Sv. 45. Fructus Citri medicae N. 54*).

Citroner.

Citrus Limonum Risso.

Baccae recentes, multiloculae, vertice umbilicatae, pericarpio tenui, extrinsecus flavo, glanduloso, pulpa succulenta et peracida.

Fructus Colocynthis.

Colocynthises D. 50.

(*Colocynthis Pulpa Sv. 45. Pulpa Fructuum Cucumeris Colocynthis N. 54*).

Koloqvinter.

Cucumis Colocynthis L.

Baccae decorticatae, siccatae, globosae, mali magnitudine, carne levissima, spongiosa, albida, peramara, multis seminibus parietalibus. Praeferendae sunt eae, in quibus major copia carnis et pauca semina insunt. Semina ante usum removeantur.

Fructus Coriandri.

Semina Coriandri D. 50.

(*Coriandri Semina Sv. 45*).

Koriander.

Coriandrum sativum L.

Diachenia globosa, calice coronata, duo ad tria millimetra crassa, e fusco flava, intus cava; constant ex duobus schizocarpis plerumque cohaerentibus, dorso multistriatis. Manducata os urunt, sapore sunt subdulci, aromatico, odore aromatico.

Fructus Cubebae.

Cubebae s. Piper caudatum D. 50.

(*Cubebae Sv. 45. Fructus Piperis Cubebae N. 54.*)

Kubeber.

Cubeba officinalis Miquel.

Drupae submaturae, duriusculae, subglobosae, monospermae, reticulatim rugosae, pericarpio tenui, basi angustiore, quae fructum longitudine superet. Colore sunt e cinereo obscure fusco, magnitudinem Piperis nigri adaequant, manducatae os urunt, odore sunt fragranti et peculiari.

Fructus Foeniculi.

Semina Foeniculi D. 50.

(*Foeniculi Semina Sv. 45. Fructus Foeniculi officinalis N. 54.*)

Fennikelfrø.

Foeniculum officinale Allioni.

Diachenia oblonga, teretiuscula, subfusca vel subviridia, quattuor fere millimetra longa; constant ex duobus schizocarpiis quinquecostatis, plerumque separatis, costis carinatis et pallidioribus, sulcis latis et fuscis; manducata os leviter urunt, sapore sunt subdulci, odore peculiari.

Fructus Juniperi.

Baccae Juniperi D. 50.

(*Juniperi Baccae Sv. 45. Fructus Juniperi communis maturi N. 54.*)

Enebær.

Juniperus communis L.

Galbuli globosi, pisi magnitudine, carnosi, supra tribus gibbis sutura triradiata separatis coronati, trispermi, extrinsecus e nigro fuscis, subcaerulei, carne e subviridi fusca, seminibus duris, triangularibus, sapore subdulci, postremo subamaro, odore aromatico.

Fructus Lauri.

Baccae Lauri D. 50.

(*Lauri Baccae Sv. 45. Fructus Lauri nobilis N. 54*).

Laurbær.

Laurus nobilis L.

Drupae siccatae, ovales, subrogosae e fusco nigrae, parvi cerasi magnitudine, pericarpio tenui et fragili, semine pallide fusco et oleoso-carnoso paene repleto, quod facile in duas partes hemisphaericas dividi possit. Odore sunt aromatico, sapore oleoso, amaro, aromatico.

Fructus Papaveris.

Capita Papaveris albi D. 50.

(*Papaveris Capita Sv. 45. Fructus Papaveris somniferi immaturi N. 54*).

Valmuefrugter.

Papaver somniferum L.

Capsulae immaturae, cum seminibus siccatae, ovoideo-oblongae, juglandis circiter magnitudinem adaequantes, stigmatibus magno, peltato, radiato coronatae, spermatophoris pluribus parietalibus instructae; odore sunt subnarcotico, sapore nauseoso et amaro.

Fructus Petroselini.

Semina Petroselini D. 50.

(*Petroselini Semina Sv. 45. Fructus Petroselini sativi N. 54*).

Petersillefrø.

Petroselinum sativum Hoffmann.

Diachenia ovoidea, a latere compressa, duo fere millimetra longa, glabra, e cano subviridia, constant ex duobus schizocarpiis, quorum utrumque quinque costis primariis filiformibus clarisque et sulcis unistriatis medioque elevatis instructum est; manducata os urunt, odore sunt gravi.

Fructus Phellandrii.

Semina Phellandrii D. 50.

(*Phellandrii Semina Sv. 45. Fructus Oenanthes Phellandrii N. 54.*)

Vandfennikelfrø.

Oenanthe Phellandrium Lamarck.

Diachenia oblonga, subrotunda, sursum paullum attenuata, calice coronata, costis obtusis sulcisqve angustis instructa, quattuor fere millimetra longa, fusca; constant ex duobus schizocarpiis plerumqve cohaerentibus, sapore peramaro, odore ingrate aromatico. Cave ne Fructus Cicutae virosae L. et Sii angustifolii L. admixti sint, qui forma subglobosa vel ovata et colore subviridi ab iis differunt.

Fructus Tamarindi crudus.

Tamarindi s. Fructus Tamarindorum D. 50.

(*Tamarindi orientalis Pulpa Sv. 45. Fructus Tamarindi indicæ N. 54.*)

Raa Tamarinder.

Tamarindus indica L.

Tamarindi ex India orientali advecti e fusco nigri, lenti, externo pericarpio fragili orbati, dissepimentis chartaceis, fasciculis vasorum seminibusqve mixti, sapore grate acido et subadstringenti. Placentae Tamarindorum aegyptiorum lentiformes, durae, unum decimetrum et dimidium latae, nigrae, rejiciendae sunt; eadem rejiciendae sunt, si Aqva, cui Acidum tartaricum admixtum sit, in massam mollem, nigram, peracidam, saepe mucidam emollitae sunt; itemqve rejiciantur Tamarindi ex India occidentali advecti molles, e flavo fusci, saepissime fermentati. Ferrum politum, in massam aqva emollitam per aliquod tempus demissum, indumento rubro, si frueris, splendenti ne obducatur.

Fructus Vitis sennatus.

Passulae laxativae D. 50.

Laxer-Korender.

- R. Foliorum Sennae concisorum partes decem;..... 10
 immittantur in tantam copiam
 Aqvae communis bullientis,
 ut post digestionem unius horae et expressionem fortem
 colationemqve insequentem
 partes quindecim 15
 efficiantur, qvae cum
 Sacchari albi partibus triginta 30
 ebulliendo in syrupum redigantur et continuo colentur.
 Cum hoc syrupo adhuc calido commisceantur
 Fructus Vitis viniferae apyrenae bene eluti partes
 triginta, 30
 Corticis Cinnamomi Cassiae pulverati pars una..... 1
 Post refrigerationem in vase clauso loco frigido servetur.

Gallae.

Gallae aleppenses D. 50.

(*Gallae turcicae vel aleppenses nigrae Sv. 45. Gallae Quercus
 infectoriae N. 54.*)

Galæbler.

Quercus infectoria Olivier nonnullaeqve species affines.

Exerescensiae ictu Cynipis Gallae tinctoriae natae, plus
 minusve globosae, verrucoso-echinatae, ponderosae, durae, ple-
 rumqve perforatae, colore e subviridi cinereo, obscuriore vel
 pallidiore, manducatae adstringentes.